

Brjef ráðgjafans fyrir Ísland til landshöfðingja um stækkun 2. farþegjarúms 7 á strandferðaskipinu »Thyru«. — Í þóknanlegu brjefi, dags. 19. nóv. f. á., hafið þjer, 7. janúar. herra landshöfðingi, skýrt frá, að ýmsar kvartanir hafi í seinni tíð komið fram yfir strandferðaskipinu »Thyru«, sem hið sameinaða gufuskipafjelag um undanfarin ár hefur haft til strandferða í kringum Ísland, og hafið þjer vakið máls á því, að nefnt skip fullnægi ekki því skilyrði, sem sett er í 2. grein í samningnum milli ráðgjafans fyrir Ísland og hins sameinaða gufuskipafjelags, dags. 2. nóv. 1889, að skip þau, sem í ferðunum eru, skuli geta tekið um 50 farþegja á óæðra farþegjarúmi, þar sem þjer tjáist álíta, eptir því sem yður hafi sjálfum fyrir sjónir komið, að annað farþegjarúm á »Thyru«, geti naumast tekið meira en 20 ferðamenn, og sje auk þess farþegjum óþægilegt að ýmsu leyti, að með því að það sje fremst frammi í skipinu, og þar að auki afar-loptillt. Þjer hyggið því hinar framkomnu kvartanir á fyllstu rökum byggðar að því er þetta atriði snertir, en öðrum kvörtunum, er fram hafi komið, teljið þjer ekki gaum gefandi. Fyrir því hafið þjer lagt það til, að það sje rannsakað með löglegri skoðunargjörð eða á annan hátt, hvort gufuskipið »Thyru« getur tekið 50 farþegja á 2. farþegjarúmi, eins og ákveðið er í ofan nefndum samningi, svo að viðunanlegt sje, og að sjeð verði um að gufaskipafjelagið eptirleiðis fullnægi skuldbindingum sínum í nefndu tilliti, ef reynast kynni, að rúmið væri of lítið.

Út af þessu skal yður hjer með þjónustusamlega tjáð, að þegar áður en jeg fekk frammannefnt brjef yðar hafið mjer borizt til eyrna, að 2. farþegjarúm í »Thyru« væri eigi samningi samkvæmt, og hafið því þegar munnlega verið skorað á gufuskipafjelagið, að gjöra breytingar í þessu tilliti, og hefur fjelagið nú lofað að láta breyta »Thyru« þannig, áður en hún hefur næstu ferð sína til Íslands, að í henni verði gott annað farþegjarúm fyrir 44 ferðamenn. Fullkomlega viðunanlegt rúm fyrir fleiri farþegja mun eigi vera hægt að fá í þessu skipi, og þar sem samningurinn ekki tekur dýpra í árinna en svo, að farþegjarúm skulu vera fyrir *hjerumbil* 50 ferðamenn, hef jeg álitíð, að í bráðina megi una við ofan nefnda breytingu.

Brjef landshöfðingja til amtmannsins yfir suðuramtinu og vesturamtinu um 8 ranga tekjuáætlun skattanefndar. — Jeg hef veitt því eptirtekt, að skattanefndin í 27. jan. Rosmhvalanesshreppi hefur áætlað ýmsum hreppsúum, sem eigi hafa talið fram tekjur sínar sjálfir, svo óskiljanlega lágar tekjur í tekjuskattsskrá fyrir 1889, dags. 31. desbr. 1889, er var meðal fylgiskjalanna við tekjuskattsreikninginn úr Kjósar- og Gullbringusýslu, er þjer senduð mjer með þóknanlegu brjefi, dags. 15. p. m. að engri átt nær, og er nefnd skattsskrá þannig í ýmsum greinum svo bersýnilega röng, að ótöldum reikningsgöllum þeim og öðrum formgöllum, sem á henni eru, að vart er við unandi. Þannig hefur nefndin talið að verzlun H. P. Duus og verzlun W. Fischers í Keflavík, sem báðar eru vitanlega auðugar og arðsamar verzlanir, hafi aðeins haft 500 krónur í skattskyldar tekjur (af atvinnu) ár það er skráin miðar við, og verzlun P. C. Knudtzons & Söns jafnvel ekki nema 300 krónur, sem er 16—17 sinnum minni upphæð en sú, sem verzlun sömu manna í Hafnarfirði, sem sjálfsgagt ekki er þeim mun arðsamari, hefur talið fram til skattgreiðslu sama ár, og þarf engan sjerstakan kunnugleika til að sjá,

28. dag febrúarmán. 1891.

8 að þetta er svo mikil fjarstæða, að furðu sætir að þeir menn, sem í nefndinni eru, skuli 27. jan. geta látið slíkt frá sjer fara.

Út af þessu skal jeg þjónustusamlega skora á yður, herra amtmaður, að láta birta framannefndri skattanefnd meгна óánægju mína út af þessu ráðlagi hennar, og jafnframt brýna fyrir henni, að framvegis þegar gjaldþegnar ekki segja sjálfir til tekna sinna, þá beri henni að áætla þeim tekjur með hæfilegri og sennilegri upphæð, eptir beztu vitund og samvizku, en það sje gjaldþegnanna sjálfra að gæta rjettar síns samkvæmt lögunum, ef þeim þykir sjer settar of háar tekjur.

Jafnframt skal jeg þjónustusamlega skora á yður að leiða athygli hlutadeigandi sýslumanns að landshöfðingjabrjefi 12. apríl f. á., sem prentað er í B-deild Stjórnartíðindanna 1890, bls. 65, um rjett og skyldu yfirskattanefnda til að breyta tekjuskattskrám o. fl., og brýna fyrir honum að gæta framvegis skyldu þeirrar, sem á honum hvílir í nefndu tilliti sem formanni yfirskattanefndarinnar, svo að slíkar fjarstæður, sem að framan voru taldar, geti ekki eptirleidis komizt fram.

## 9

## Ágrip

af reikningi landsbankans 1. október — 31. des. 1890.

	Tekjur:	kr.	aur.	kr.	aur.	
1. Í sjóði 1. október . . . . .				93.709	11	
2. Borguð lán:						
a. Fasteignarveðslán . . . . .		41.694	25			
b. Sjálfsskuldarábyrgðarlán . . . . .		7.717	»			
c. Handveðslán . . . . .		3.186	75			
d. Lán gegn ábyrgð sveita og bæjarfjelaga o. fl. . . . .		<u>1.285</u>	<u>18</u>	53.883	18	
3. Víxlar innleystir . . . . .				50.038	60	
4. Ávísanir innleystar . . . . .				1.762	27	
5. Ýmislegir vextir . . . . .				19.569	61	
6. Diskonto . . . . .				323	77	
7. Ýmislegar tekjur . . . . .				2.492	86	
8. Frá Landmandsbankanum . . . . .				55.399	70	
9. Fasteignir tilheyrandi bankanum seldar . . . . .				1.000	»	
10. Innlög á hlaupareikning . . . . .				22.852	»	
11. Sparisjóðsinnlög . . . . .				122.812	57	
12. Selt 1 skuldabryf Reykjavíkur . . . . .				100	»	
13. Til jafnaðar móti gjaldlið 10 a—c . . . . .				18.088	63	
				Samtals	<u>442.032</u>	<u>30</u>
	Gjöld:			kr.	aur.	
1. Lánað gegn:						
a. Fasteignarveði . . . . .		kr. 21.644,00				
b. Sjálfsskuldarábyrgð . . . . .		— 4.730,00				
c. Ábyrgð sveita- og bæjarfjelaga o. fl. . . . .		<u>— 1.000,00</u>		27.374	»	
2. Keyptir víxlar . . . . .				19.383	60	
				Flyt:	<u>46.757</u>	<u>60</u>